

國學扶輪社輯

中國筆記小說文庫

古今

說部叢書

上海文藝出版社

三

## 影印出版说明

本书辑录了自汉代至清代的历史文献三百余种，内容涉及民俗、历史、社会等学科。资料丰富、细致，类别众多、全面，具有保存价值。1913年初版。现据中国图书公司和记1915年再版本影印。

### 古今说部丛书

(影印本 1991年5月)

上海文艺出版社出版、发行

新华书店经销

上海市印刷七厂印刷

ISBN 7-5321-0759-0/I·604

---

登记证号：(沪)103 定价：86.40元

精装 全五册

古今說部叢書五集目錄

史乘

征緬記畧 青浦王昶德

怪異

高坡異纂 明楊儀

文藝

瓠里子筆談 明姜南

游記

遣戍伊犁日記 陽湖洪亮吉

天山客話 陽湖洪亮吉

遊戲

艾子後語 明陸灼

猥談 吳郡祝允明

雜誌

半野村人閒談 明姜南

蓉塘記聞 明姜南

蓬軒吳記 明楊循吉

蓬軒別記 明楊循吉

吳中故語 明楊循吉

觚賸八卷 吳江鈕琇

觚賸續編四卷 吳江鈕琇

然脂百一編

外家紀聞 陽湖洪亮吉

古今說部叢書五集目錄終

# 征緬紀略

青浦王昶德甫撰

緬於唐爲驃國。至元始爲中國患。世祖成宗數發兵征之。未嘗得志。及明正統間。以麓川思任遜緬。萬歷間。以緬酋莽瑞體勾結岳鳳入寇。用兵前後十餘年。事具元明史。本朝定雲南。李定國挾明宗室由緬入緬。詔公愛星阿偕吳三桂以兵萬八千人臨之。李定國走至孟良。不食死。緬酋縛由緬以獻。遂班師。蓋未及責以朝貢也。緬地亘數千里。其酋居阿瓦城。城三面皆距南大金江。發源於番境。至蠻暮。南來河匯之。至速怕。又合猛卯江。及近阿瓦之堵禦營。則錫箔江又入焉。南流以注於南海。沿海富魚鹽。緬人載之以上行。十餘日抵老官屯。新街蠻暮粥市。邊內外諸夷人皆賴之。而江以西爲猛拱土司地。出虎魄。江東爲猛密。有寶井。多寶石。又波竜山者產銀。是以江西湖廣及雲南大理永昌人出邊商販者甚衆。且屯聚波竜以開銀礦爲生。常不下千萬人。自波竜迤東有茂隆廠。亦產銀。乾隆十年葫蘆酋長以獻。遂爲內地屬。然其地與緬犬牙相

錯十八年。廠長吳尙賢思挾緬自重。說緬入貢。緬酋麻哈祖乃以馴象塗金塔。遣使叩關。布政司等議卻之。而巡撫圖爾炳阿遽以聞。上下禮部議。如屬國入貢例。其冬。緬使還至順寧。聞白古夷人撒翁起兵攻緬。緬兵敗。麻哈祖逃至約提期。爲白古所得。沉之江。撒翁據阿瓦五年。而緬屬之木梳頭目瓊藉牙。復以兵攻走白古。自據其地。時瓊藉牙起於木梳。而緬人尊其主曰莽達刺。以故緣邊夷衆。或稱爲莽。或稱爲木。有司不及知。謂夷種別有二。其實皆緬甸也。自明初葉立。緬甸孟養木邦爲宣慰司。蠻暮猛密爲宣撫司。勢力相敵。莽瑞體後。諸夷稍稍服役於緬。至瓊藉牙立。令頭目播定鉞等以兵脅諸夷。於是諸夷震懼。東至整欠。景邁。孟良。猛勇。西北至猛拱。及木邦。蠻暮。均爲緬屬。旣而瓊藉牙以攻暹羅。渡海。雷震死。子儻洛立。未幾亦死。弟儻駁嗣其位。麻哈祖舊臣宮裏雁者。本宋賽錫箔頭目。不附於瓊藉牙。約結斐木邦攻之。兵敗。逃入孟連。而土司刀派先焚索不已。其妻攬占怒。縱下焚殺。總督吳遠善奏誅宮裏雁。而木邦土司罕莽底亦兵敗走死。儻駁立其弟罕黑。緬人由是益無顧忌矣。明萬曆年。

間。巡撫陳用賓因永昌府近緬。設八關以控之。八關者萬仞巨石神護銅壁鐵壁虎踞天馬漢龍也。漢龍久屬猛密。餘七關皆無險阨可守。山簷小徑。在在通人行。自永昌迤邐而東爲順寧。又東爲普洱。其邊袤亘蓋二千餘里。永昌之蓋達隴川。猛卯芒市。遮放。順寧之孟定。孟連。耿馬。普洱之車里。數土司外。又有波竜養子野人。根都。狃。狃。漢夷。錯雜而居。非緬類。然多役於緬。土司亦稍致餽。遣謂之花馬禮。由來久矣。暨緬人內訌。禮遂廢。瓊藉牙父子欲復其舊。諸土司弗應。乃遣兵擾其地。而普洱獨先有事。二十八年。劉藻爲雲南巡撫。額爾格圖爲提督。是冬。緬人先遣刀派先之兄刀派新自阿瓦還。至孟連。徵索幣貨。又遣頭目卜布拉木邦罕黑至耿馬。責其禮。普洱之十三板納者。本車里土司地。雍正七年。鄂爾泰總督雲南。招降之。始割其地置府。至是。緬人亦來索米。永順鎮總兵田允中。普洱鎮總兵劉德成。知府達成阿。檄土司各率兵禦之。殺其頭目卜布拉罕標等。餘衆潰走。三十年。調吳達善於湖廣。命劉藻爲總督。以常鈞巡撫雲南。額爾格圖卒。達啓代爲提督。孟良本緬屬。距普洱千餘里。土司召孟容

與弟召孟必不相能。召孟必之子召散。譖召孟容於緬。緬人執之。其子召丙走南掌。尋入居於十三版納之猛遮。召散因令素領散聽素領散撰素領散黨阿烏弄等犯打樂。分侵九龍江橄欖壩。車里土司遁去。賊人據其城。劉藻檄大理順益營兵七千往勦。十二月游擊司邦直先進。爲賊人所圍。會參將劉明智至。夾攻破之。乘勝復車里土司城。進攻猛籠猛歇猛混猛遮諸壘。連破之。然賊衆往往竄合屯聚。未肯卽退。藻議益以曲尋楚姚兵二千。未至而參將何璆詔游擊明浩等聞猛阿爲賊所攻。遽率兵過滾弄江。束器械以行。不設備。入山遇賊兵敗。皆論斬。雲南承平日久。兵不知兵。所謂土司者。尤怯。每聞賊至。則相驚恐。指十爲百。指百爲千。相率而遁。竄兵將聞之。益以選懦不堪用。是以師久無功。然上知藻書生。不諳於軍旅。弗深罪也。三十一年正月陝西甘肅總督楊應琚方以授大學士入覲。上卽命管雲南總督事務往視師。降藻爲湖北巡撫。繼革職。藻懼。三月壬申夜刎死。達啓亦革職。以李勳代之。是月乙亥。應琚至雲南。楚姚鎮總兵華封已平打樂猛腊。參將哈國興已平大猛養。合勦孟良。召散



遁。官軍得其城。而劉德成與邊啓及副將孫爾柱攻整欠。亦克之。普洱邊外悉平。叭先捧者。車里土司之所屬。蓋傲者也。顧與其妻咸以從軍自効。斬素領散。撰於小猛崙。素領散聽亦爲其妻殺死。應琚乃請以召丙居孟良。叭先捧居整欠。均授以指揮使守其地。在事出力。將弁分別賞敘有差。時李勳方至雲南。應琚令往孟良整欠。正經界。集流亡。釐戶口。定賦稅。附入版圖。以爲久遠計。然召丙爲人也懦。不安能輯其人。叭先捧好飲酒。性蠱略。不敢至整欠。退棲於猛疇。四月召散之黨。召猛烈。召猛養。以次被獲。其弟僧召竜亦自投首。詔磔召猛烈等。而原召竜與番僧章嘉胡圖爲弟子。惟召散逋逃未得。應琚見夷人之易於摧殄也。遂上奏云。臣兩月以來。訪問召散蹤蹟。夷衆咸稱逃往阿瓦。已飭土司繕寫緬文索取。不獻當與師問罪。臣查緬甸雖歷年久遠。而近者篡奪相尋。實有機會可乘。臣謹選人潛往阿瓦。將地方之廣狹。道路之險易。詳悉繪圖。并探明今昔情形。俟回日具奏。臣現將可調之兵。布置練習。密修戎器。以便臨期遣發。奏入。上諭云。應琚久任邊疆。必不至輕率喜事。如可相機辦理。尅日奏

功。自不妨乘時集事。偷勞師饑餉。稍致張皇。轉非慎重籌邊之道。務須熟計乘權。期於妥善以定行止。而是時諸將希應琚意。言內附者紛紛矣。李勣以猛勇猛撒告。劉德成以猛竜補哈告。華封以整賈景線景海告。率侈言各夷地廣輪或二千里。或二千餘里。爲邊外大司。應琚悉奏聞。以其頭目爲千總守備。緬寧通判富森言木邦人殺緬立土司罕黑。奉線瓔團爲主。願求內屬。永昌知府陳大呂亦言蠻暮土司被緬殘虐。久願降。請發兵爲助。應琚乃往駐永昌。而遣副將趙宏榜將永順騰越兵二百餘人出鐵壁關。屯新街。爲蠻暮捍蔽。宏榜抵關。遇大呂所遣使羈之。而自受蠻暮土司瑞團降。大呂恚訴應琚。應琚曲解之。是時騰越知州陳廷獻招猛育猛英猛密。陳元震招憂鳩允帽結紫。富森招狝狉。而宏榜又招孟養乃壩竹孟岳十六寨。諸夷先後遣人來約降。應琚又爲文檄緬言。天朝有陸路兵三十萬。水路兵二十萬。陳於境以待。速降則已。不然將進討。緬賊聞乃大出兵。緬人素不養兵。有事則於所屬土司之寨。籍以戶口多寡。因以出夫。名曰門戶兵。自瓔藉牙據阿瓦。蓄勝兵萬人。一人給以餉四十兩。

其餘派夫如故。每戰則以所派土司濮夷居前。勝兵督其後。又以馬兵爲兩翼。戰既合。兩翼透而進。因以取勝。度未可戰。則發連環火鎗。兼以礮。比烟開則柵木已立入。而拒守。其用兵如此。九月賊人先以兵出落卓攻木邦。線襲圍不能守。入居遮放。又以兵溯江而上。抵新街。宏榜相持兩日。勢不支。戊子燒其器械。輜重及傷病之兵。退回鐵壁駐守。而蠻暮土司亦偕其母走入內地。應琚聞緬人將抗拒。憂甚。痰疾遂作。李勳先以瘴卒。李時升代爲提督。常均亦調湖南。以湯聘爲巡撫。聘聞應琚疾。乘傳至永昌。且以宏榜失事聞。上命兩廣總督楊廷璋馳赴永昌。代應琚經理軍務。並廉宏榜兵敗狀。又遣侍衛傅靈安挾御醫臈應琚病。又命其子江蘇按察使重英。湖南寶慶知府重穀。赴滇省視之。應琚所調兵一萬四千名將集。令永順鎮總兵烏爾登額駐宛頂。進勦木邦。永北鎮總兵朱崙由鐵壁關進駐新街。而令時升在杉木籠山。居中調度。崙至楞木。遇賊人。接戰四晝夜。賊退。追擊之。擒馘之弟卜坑。及其舅莽叟。節速跪求和。言願頂經吃咒水。頂經以經加於首。咒水者取水咒之。分與中其衆飲。蓋夷人盟。

誓之禮也。議未定。賊已擁衆越神護萬仞關入掠蓋達。圍游擊馬拱垣於蓋達江上。分兵入戶撒游擊邵應郊亦被圍。劉德成在千崖。有兵二千人不救。時升因檄崙還守鐵壁。又聞賊人欲從庫弄河出關後。崙復引兵却駐守隴川。賊人勢張甚。嗣應琚數以檄促德成。德成始擊賊於銅壁關下。破之。賊人自西而東趨隴川。德成亦由戶撒以擊其後。時升又檄烏爾登額帥宛項兵至邦中山以助聲勢。於是軍威稍振。賊人見大兵之集也。復乞降。崙以報。應琚命許之。賊人伺我兵懈。遂走犯猛卯。與木邦親。木邦之降。猛卯實左右焉。賊人怨。故欲蹂躪之。時三十二年正月丙寅朔也。副將哈國興帥兵二千五百人往赴猛卯。比至見賊勢盛。乃入城與土司堅守。賊攻城緣梯而上。城上矢礮交發。桀石以投之。又取屎糞粥糜。揚以灑賊。賊人不敢近。國興頗爲火鎗所傷。墮十有一齒。圍八日。癸酉副將陳廷蛟游擊雅爾姜阿各以兵至。城中兵出合擊之。賊大潰。而烏爾登額檄之不至。故賊人得浮猛卯江而逸。朱崙乃造浮橋過宿養波。由景陽暮查偕烏爾登額進勦木邦。是月丁丑楊廷璋至永昌。詢詰有司皆言緬人叵

測事不易集。遂奏言應琚病已痊。臣隨歸粵。上召還京師。補刑部尙書。而賊人入關侵擾。應琚皆不以聞。僅言崙殺賊幾萬人。賊人震懼乞降。欲以新街蠻暮與之。而時升亦言猛卯之捷。誅其大頭目播定。鮪皮魯布奏入。上視應琚所進地圖。用藍筆分中外界。而猛卯隴川均在藍線內。上疑之以爲如果殲賊萬人。及大頭目。賊當遁走不暇。何以朱崙輾轉退却。賊敢蔓延內地。土司之境降。旨駁詰。而傅靈安先奉。旨廉訪軍事。具言趙宏榜棄新街。朱崙退守隴川。及李時升未經臨敵情事。與。上駁詰者悉合。應琚復劾劉德成。烏爾登額。逗遛貽誤。於是逮李時升。朱崙。劉德成。烏爾登額。趙宏榜。而遣楊寧爲提督。且以應琚欺罔乖謬。不能任是事。乃召明公瑞於伊犁。以將軍總督雲南。遣額爾景額爲參贊大臣。徙湯聘於貴州。以鄂寧代之。上年冬。緬人已據整賣景線。召散遂率以攻孟艮。召丙恤懼出奔。賊延入打樂。思茅同知黑光以報。時湯聘未聞新命。楊重英方至自江蘇。乃偕赴普洱。奏言總兵華封。益珠安坐普洱。失勦禦。請革職治罪。奏入。華封。益珠。與游擊權恕。司邦直。都司甘其卓。皆被逮。調

開化鎮總兵書敏總統進勦。頃之鄂寧亦至普洱。奏言上年九龍江外兵以瘴死者不可勝數。官弁夫役死亦過半。馬匹並多瘴斃。此時正盛瘴發生。湯聘乃稱嚴飭將弁。尅日進勦。懷詐塞責。實無誠款。奏入。湯聘亦革職逮治。應琚見前所招撫土司復爲賊據。其土司頭目夷人千百爲羣。皆蕩析離居。或隨軍營。或依附相率土司棲止。而緬賊時出沒爲患。邊事日棘。鄂寧復奏應琚貪功啓釁。爲朱崙等諱飾。又不令湯聘傳靈安與聞邊務。及抑沒游擊班第守備江紀陣亡各狀。應琚恐乃言緬酋罪惡貫盈。宜亟翦滅。請於秋間大舉進勦。以綏南服。謹擬事宜五條。一分兵五路。東路由孟良及木邦錫箔。中路由猛密。西路渡南大金江。由猛拱孟養。水路從新街順流下阿瓦。共調用湖廣四川貴州本省兵五萬。同時並進。一於湖南四川貴州廣西調馬一萬二千匹。其餘本省自備一籌儲軍糈五萬石。一廣製鎗砲火藥。一敕諭暹羅夾攻。上下其議。廷臣嘗以爲非。皆不用。未幾逮問。以鄂寧署理總督。五月李時升朱崙至京。鞠之伏罪。並戮於市。劉德成權恕司邦直甘其卓亦坐斬。湯聘華封烏爾登額寧珠趙宏榜

法司論死上。上特緩之。至明年釋華封等。使從軍自效。趙宏榜行抵湖南病死。湯聘至三十四年斃於刑部獄。八月楊應琚械至熱河。行在甲午賜死。其次子重毅適以管殺人抵罪。而傅靈安亦受瘴卒於永昌。初朱崙等在木邦相繼逮問。楊寧代理其衆。而賊人數以兵抄截。由是糧米及鉛丸火藥均缺乏。衆心稍動。賊人攻營益急。四月辛亥兵潰。楊寧退次滿河。永北鎮總兵索柱及烏爾登額亡其印信。楊寧還至龍陵上奏。歸咎於右翼官兵潰亂。上疑焉。令明公察之。明公以實告。且言其舉動舛錯。不能服將士心。因調譚五格爲提督。而楊甯召入京師。以蒙古都統用。旋革職發往伊犁以歿。明公大學士忠勇公兒子。以孝賢皇后恩澤得侯。自弱冠從征準夷回部。屢著功績。因晉封公。是月抵永昌。聞陳大呂糶軍糧短值。奏治其罪。又以索柱畏葸欺僞。劾罷之。由是借兵餉以治軍裝。查捕木邦逃兵。及商人之爲漢奸者。以次經理。上又派八旗兵三千人。四川兵八千人。貴州兵一萬人。雲南兵四千人。赴邊進討。綠營馬四。皆本營豫備。惟八旗兵三千人。每兵例需馬三四。合以官員所用。計馬幾萬匹。明

公議撥廣西馬一千。廣東馬八百。四川馬五千八百。貴州馬六千。湖南馬二千。每兵裹兩月糧。計六斗。馱以一馬。馬驢少。購牛代之。糧不足。可殺牛以抵也。共用驢馬牛八萬餘。其糧於大理鶴慶蒙化三府撥六萬石。又於永昌順甯買三萬。兵行之道。自宛頂木邦進者爲正兵。明公身統之。烏爾登額譚五格則由猛密分進至新街。水路時方暑雨。難造舟。宜削木梯。沿江流下。疑賊以牽賊勢。奏入。上嘉之。悉從其議。先是叭先捧退居猛獁。琚使召教治整欠。教老矣。子姪召工召淵等。與叭先捧有隙。又波竜廠民千餘人及野人失業者。前詣烏爾登額營求撫。不納。民夷遂四散掠食。與召工等衆合。四月召工由整欠侵猛竜叭先捧不能禦。回守小猛崙。七月召工入犯茨通。書敏退至倚邦。旋以病死。普洱鎮總兵德保駐九龍江。聞賊警。趣土司刀召紹至。付以軍實。自取小路走回。至思茅。越六七日。賊人始至江上。燒村砦而去。事聞。逮至京師。論斬。九月諸路兵皆至。永昌馬牛亦集。甲寅明公率官軍啓行。明日大雨。潞江舟少。以次待渡。而溝路險仄。輜重壅塞於道。弗能行。軍士立雨中竟夕。十月甲申抵怕兒。上



復遣參贊大臣珠魯訥來於軍。而參贊大臣額爾景額、楚姚鎮、總兵國柱相繼病卒。津渡橋梁已爲賊人所毀。且絕大樹仆之。又雨多道壞。官軍以是行遲。明公乃選銳兵一半。帥以先驅。領隊大臣觀音保由孟谷出木邦之右。十一月丙戌抵木邦城。賊人先挾夷民以去。獲其糧貯。留珠魯訥以兵四千守之。進錫箔江。江寬築橋以渡。行四日至天生橋。橋南有賊砦相偪。會商人馬子團言橋之東三十里水淺可涉。且岸頗平。乃以兵繞出其後。賊人復棄砦去。十月甲申進至蠻結。賊人依山立十六柵。明公抵柵下。親冒鎗礮督兵進攻。軍士用命。貴州步兵王連、睨柵左有積木。藉以上騰入柵內。砍殺賊人。驚昨披靡。諸軍繼之。爭攀援而入。連破四柵。至夜入柵之賊亦皆竄去。捷聞。晉封明公誠嘉毅勇公。以恩澤公予其弟奎林。特擢王連爲游擊。餘俱交部敘功。然夷境峭險。所謂草者。率綠竹王芻之屬。馬乏草。因以致斃。而牛行遲滯。箠之以登險阻。斃者尤衆。賊人燒其村寨。斂積貯而窖埋之。掠無所得。以故糧儲垂竭。進至象孔迷道。益險仄不可行。明公度不能至阿瓦。謂烏爾登額等在猛密還兵。則西北聲勢可以